

4篇。既可补此二十卷（抄）本之佚，使之更臻完帙，又可补《全唐文》之佚也。

1992.4.20北京大学

作者工作单位：浙江师范大学

（本文责任编辑：毛华轩）

五桂楼访书记

一九六二年夏，浙江省第二届民间文学座谈会在余姚集会，因得瞻五桂楼之藏书焉。楼筑于清乾隆间，凡三楹。周匝为墙，前植桂五株，因以额其楼也。登楼环顾，四壁图书，列若围城。取阅汲古阁廿一史，审纸色，乃明刻清印。徐入后轩，启其一橱，悉度稿本。手钞本中见《宋元学案》二十册，书眉签条累累，为全榭山手泽。《宋元学案》乃梨洲先生未定稿也，嘱子百家续纂，全榭山复续修之。慈水冯五桥云：初刊本据此校刊者也。版旋毁，道州何子贞续刊之。王梓材、冯云濠《宋元学案考略》谓：是书有黎洲黄氏原本、榭山全民修补本、二老阁郑氏刊本、月船卢氏所藏底稿本、樵庵蒋氏所藏底稿本和统姚黄氏校补本云。余姚黄氏，名璋，号大俞，梨洲先生之元孙也。馆员告余云：此书即黄樟父子手订之补稿也。稿成于全祖望、王梓材增订之后，曾获前中央文化部郑振铎副部长暨陈叔通先生鉴定，弥足珍贵。橱中检及《清推交食法》稿本一卷，馆员云：此书自黄竹浦家访得。余谗梨洲先生所著算书，有《新推交食授时历》；惟审此书所列“中宫图表”干支与梨洲先生存年不合，大可疑矣。囿于时间，未遑深究也。梨洲先生邃于历算之学，所著《授时历故》刘翰怡已刊之于《嘉业堂丛书》矣。新会陈垣藏《鲁监国五年大统历》云：“自日本访得，盖即《鲁监国大统历》欤？两书钱宝琮《浙江畴人著述记》俱未注录，可见知者鲜矣。梨洲先生诸稿，未能一一拜读，徘徊久之，不忍去焉。同游参观者为：省文化局许钦文局长、省文联唐向青秘书长、余姚文化馆长诸公也。返杭之翌日，遂援笔记之。

• 刘操南 •